

Forfatter: Arrebo, Anders

Titel: Udrag fra Breve

Citation: Arrebo, Anders: "Hexaëmeron. Lejlighedsdigte. Breve. Udg. af Vagn Lundgaard Simonsen. 1965", i Arrebo, Anders: *Hexaëmeron. Lejlighedsdigte. Breve. Udg. af Vagn Lundgaard Simonsen. 1965*, udg. af VAGN LUNDGAARD SIMONSEN ; Jørgen Glaahder , Munksgaard, 1965-83., s. 305. Onlineudgave fra Arkiv for Dansk Litteratur: <https://tekster.kb.dk/catalog/adl-texts-arrebo01val-shoot-idm140030262160352/facsimile.pdf> (tilgået 19. april 2024)

Anvendt udgave: Hexaëmeron. Lejlighedsdigte. Breve. Udg. af Vagn Lundgaard Simonsen. 1965

2.

Til kansler Christen Fris til Kragerup.

Illustri, Magnifico, streauo admodum, nobilissimoque viro,
pietate, doctrina, armis præstantissimo, Domino Christiano
Frisio, potenss. Regis Dan. et Norv. etc. Cancellario magno,
eqvite aurato, fautori & promotori meo summo, pro honoris
testimonia gratique animi symbolo Domini nostri Jes. Christi
gratiam, Dei patris amorem et spiritus s. communionem
animitus precor.

Vix ac ne vix qvidem, Magnifice patrone, Magnificentæ
vestræ alias occupatissimæ, crassa et agresti hac Minerva
obstrepere vel minimum negotium facesserem, si non
~~παρέγγειλας~~ saepius atqve saepius scribendi et statum Ecclesi-
arum et scholarum indigno mihi concreditarum detegendi,
valdicentii mihi ipsa cadem largita esset religiosissime. Si
autem Ecclesiarum nostrarum delineationem ad apicem vobis
depingere conarer, vel absentium qvivis vno forte ore in-
sonaret, me immania, horribilia et incredibilia mentiendo,
pessimum nunc ejus statum prætendere, vt aut antecessores
meos incuria reos agerem, mortuis impudenter insultans Ico-
nibus, vel si (qvod Deo patrocinante vere spero) tanto malo
remedium atiqvando fiat, mihi soli ejus acceptum referrem.
Sed garriant latrentqve, qvod velint isti, bona ego fide
Magnif. vestra omnia (vtinam omnia) relatus et relationem
eventu successive probaturus.

Aliqvot hactenus provincias pelustravi, plures cras (Deo
volente) aditurus; sed me Christe! qvantam in ipso officij
limine inveni barbariem, ruditatem et inscitiam ab incuria
doctorum et inspectorum (dubio procul) partim etiam dia-
conorum extrema barbarie prognata et profectam. Vix
vnicus inter 40 vel provectionis ætatis repertus est, qui ro
sua præcepta et interdum Pater noster recitare didicerat;
priori qvidem (qvantum qvidem per divinam gratiam licuerit)

"